

漢受降城師古曰保守也於此自守漢遣長樂衛尉高昌侯董忠車

騎都尉韓昌將騎萬六千又發邊郡士馬以千數送單

于出朔方雞鹿塞師古曰在朔方詔忠等留衛單于助

誅不服又轉邊穀米糒前後三萬四千斛給贍其食師古

日糒乾飯也音備是歲郅支單于亦遣使奉獻漢遇之甚厚明

年兩單于俱遣使朝獻漢待呼韓邪使有加明年呼韓

邪單于復入朝禮賜如初加衣百一十襲錦帛九千匹

絮八千斤以有屯兵故不復發騎為送始郅支單于以

為呼韓邪降漢兵弱不能復自還即引其眾西欲攻定

右地又屠耆單于小弟本侍呼韓邪亦亡之右地收兩